

平定兩金川方畧

四
五

平定兩金川方略

四
八

平定兩金川方略卷之一百二十五

九月丙寅。明亮奏言。查碾占一路。自前月二十

三日發兵以後。連次阻雨。嗣接阿桂札知。定於

初八日進攻。臣於初七日親赴甲索。察看情形。

其碾占一路。賊人聚守甚嚴。攻之無益。不如卽

於巴札木下壓。一面仍令敖成帶兵九百名。由

碾占牽綴。以分賊勢。初八日子刻。臣督率官兵。

從巴札木分路進發。約行十五六里。山勢稍見寬廣。賊皆棄而不守。另於陡崖之上。連築三礮包。以深濠一道。立有木柵。其外復挖深濠。我兵方得近前。鎗礮甚密。斷難進步。而左右兩旁樹林內。可以抄出之路。賊復築長牆堵截。牆內各有礮卡重疊。實屬無隙可乘。隨令以次撤回。臣現奉

諭旨。令阿桂會兵進剿。而阿桂寄示摺與稿。西路可
供打仗者。亦止得一萬二千人。僅敷什爾德一
帶進攻。欲令臣帶兵數千。爲續添力量。合勢掃
巢。是

聖明指示。現與阿桂所奏。同此機宜。而噶拉字旣破
則自札烏古以至正地。自正地以至馬爾邦。皆
可傳檄而定。臣屆時將河西地方。酌派幹練大

員責成照科。卽選派精銳親赴西路。并力以圖。

同日舒常奏言。臣恭奉

諭旨。令速赴絨布。更替富德。至吉地帶兵防堵。臣現

於初十日。已由沙爾尼起程。順道經過丹東。倘

換回土兵。卽能進剿。臣先與桂林帶領。徑攻正

地之後。再赴絨布。如或土兵一時未能齊集。臣

卽赴絨布。備細告知富德。聽其酌量辦理。均奏

上諭軍機大臣曰。據明亮奏碾古巴札木兩路。賊人
扼守甚嚴。未能卽進。擬親赴西路。與阿桂并力以
圖。又據舒常奏接奉諭旨。令赴絨布寨。更替富德
現由沙爾尼起程前往等因。均屬大謬。看來明亮
竟係因北路現無可進之機。而阿桂一路。自攻得
勒烏圍以來。繞兵前進。聲勢甚盛。遂欲捨此就彼。

甚屬非是。各路分派將軍叅贊。責有專司。自應各就本路。調度熟籌。以期集事。卽彼此有應關照之處。亦不過聲息時通。訂期夾擊。互相犄角。斷無舍己從人之理。況西路有阿桂爲將軍。又有豐昇額爲副將軍。尙何藉明亮之相助。卽欲添阿桂兵力。亦止須令奎林和隆武統領前往。明亮何得輕率親行。且三將軍俱聚於西路。而北路竟無一總統。

之人亦無此理。明亮旣欲親行。又不留舒常在營
駐守。實爲非策。至所稱阿桂寄來摺稿。西路可供
打仗者。止一萬二千人。僅敷什爾德一帶進攻。欲
令帶兵數千。爲續添力量。合勢掃巢等語。若其事
果出阿桂之意。則阿桂亦有不合。口檢閱阿桂原
摺。據稱西路兵雖共三萬二千。因自梭洛柏古一
帶。道路綿長。近於後路營卡內。極力抽兵。止得一

萬二千。僅敷什爾德一帶分路進攻。及爲接續之用等語。此就現在抽兵情形而言。並非議令相助。又據稱明亮前至軍營面商。告以俟官兵繞進得手之後。或河西另有機會。再行籌辦。過河幫助。否則俟西路攻進噶拉依時。明亮帶兵數千前來。爲添力合勢搗巢之舉等語。此乃指攻圍噶拉依將得之時而言。其時明亮或果由碾占一路乘機攻

得方令前往。並非令其捨河西一帶不顧。徑往相幫。蓋明亮悞看阿桂摺稿。並將上下文意錯綜悞會。遂至於此。因覆細閱明亮之摺。據稱屆時統兵兵親往。似此時尚未起身。果爾則北路兵尙不至於遽渙。但恐舒常旣行。明亮又冒昧卽往。賊人窺見此路無人。潛從扎烏古而下。將沙爾尼茹寨等處復行佔去。則於全局大有關係。甚爲可慮。總之

此事。明亮舒常所辦。太覺謬戾。非尋常錯悞可比。
着傳旨嚴行申飭。明亮此時斷不可輕離北路。如
或阿桂果有必須助剿之處。卽令奎林和隆武帶
兵數千前往。亦無不可。明亮若能卽將河西一帶
及早攻奪。下至沿河。方可與阿桂關照會剿。否則
將河西一帶加意嚴緊守禦。勿爲賊人窺伺滋擾。
閱進到之圖。所有扎烏古山梁未克賊礪。尙在勒

烏圍東北。明亮並未將沿河一帶料理肅清。斷其過河至勒烏圍之路。萬一賊人由彼偷越。於勒烏圍甚有關礙。不可不極力嚴防。阿桂曾派令額森特。在勒烏圍轉經樓甲爾日磧橋一帶駐守。此皆防西來之賊。非防北來過河之賊。此處大有關係。仍當諭令實力留心。處處照料。不可稍有疎忽。明亮後路未清之時。阿桂切不可將額森特調令他

往。致滋貽悞。阿桂並傳諭額森特知之。至沙爾尼
茹寨一帶。爲軍糧軍火臺站所經。不可無妥幹大
員坐辦。富勒渾昨奏往底木達經理糧臺。原爲功
噶爾拉當噶爾拉一路進兵。因思該處進兵。不過
牽綴。無庸富勒渾往彼相助。就現在情形而論。河
西所關尤重。富勒渾自當在此一帶留心妥辦。或
仍在梭洛栢古。或酌籌與明亮軍營相近最要之

處駐守。至功噶爾拉當噶爾拉進與不進。無關大要。阿桂攻得噶拉依時。如欲添兵。或調常青處兵一千名。令其帶往幫攻甲雜。蓋噶拉依一經攻得。則功噶爾拉當噶爾拉皆成內地。常青自可徑行無阻。著阿桂妥酌行之。至於河西碾占一路。雖賊人堅拒難進。自應別探可進之途。卽如阿桂處初擬由達思里一帶進攻。繼聞賊人知覺預防。卽改

由達烏達圍。經安布魯木而達程。雖稍遠。而攻其
無備。自易得手。若如明亮之畏難輒止。何由所向
克捷耶。又閱明亮圖內。官兵所設營卡太多。上下
列布三層。似覺無謂。今既將達布依一帶營盤拆
毀前移。何不將石兵噶一帶。及達思拉木方營向
北一帶小營盤移撤。又可抽添無數兵力。明亮何
不計及於此。嗣後務宜諸事留心。爲妥舒常較明

亮稍有心計。是以前次派令往吉地。駐辦堵截逆
酋之事。旋經明亮奏其於北路軍務番情熟習。仍
欲得其相助。是以卽令復回北路。而令桂林往代。
至於襲擊正地一事。原令舒常同桂林酌量辦妥。
卽回北路。嗣因阿桂奏請令舒常往緘布換富德。
至吉地堵截。雖允所請。隨據舒常奏已於八月二
十八日。自吉地起程。徑赴明亮軍營。朕尚以其徑